

Vnnd als / wider Vnser Ordnung / viel Zechen / allein mit le-  
 digen Schichten vnd Posen / gebawet vnd erhalten werden / Dar-  
 durch anderen das feldt vorsperret / die Stöllen / Schechte / vnnd  
 örter verharren werden / vnd eingehen / das also niemand / diesel-  
 ben / durch die Geschworne / kan frey machen / Wöllen wir / wo  
 hinfürder eine / oder mehr Zechen / Vnser Ordnung gemess / nicht  
 gebawet würde / vnd die Geschworne / den Vorsteher oder Arbeiter  
 zu einem mal / im frey machen verwarnen / Vnd er sich als dann /  
 der Ordnung nicht heldet / so sol dasselbige Lehen / zu dem andern /  
 mal / on alle widerrede vnd behelffe / durch die Geschworne / frey  
 erkant werden / Alles frey machen sol mit vorwissen vnser Berg-  
 meisters geschehen.



## Der Siebende Artickel.

Von den Zechen / so mit weil-  
 arbeit gebawet werden.

**D**eyner / zwene / odder bisz Inn Vier Gewercken /  
 eygene gebewde / oder Zechen hetten / der / oder  
 die / sollen dieselben / mit der weilarbeit / alle  
 Tage / Vier stunden / die geschehe vor oder nach  
 Mittage / barhofftigk erhalten / Wo aber zwö  
 Schichten / fürgewerckt / oder die Zeche fündig  
 würde / als dann sol sie Bergkleufftiger weise / vnd laut Vnser  
 Ordnung gebawet werden.

Der Achte

